

翰苑新書

第卯十冊

後集中卷二十五之二十六

外除謝表 轉官除職 加職

明堂加邑 降職祠 叙復

賀皇太子 元旦至節 生辰

除官 轉官 郊祀轉官

明堂加恩 講經轉官 謫降

叙復 賀皇后聖節 冊后

上尊號 玉璽 誕皇子 冬至

新編翰苑新書卷之二十五

后集

謝表

謝外除

除樞使兼知政事督視軍馬

巨山

假鉞而督諸軍曾微威望進班而聯二府有覲恩微制書
不許於辭難事任凜如於履薄中謝臣聞自昔艱難之會
聿求經濟之材使盡護於戎昭用借籌於廟勝故能出入
將相注意安危內外修攘兼資文武學力則有若臣浚之
剛大智名則有若臣鼎之高明必維斯人殆稱上意如臣
者器不足以堪時用識不足以燭事機仲淹曾中之百萬
兵何能為役富弼河朔之十三策多見謂愚徒以父教之
忠仰累聖治之誤遂躋兩地脩粵再蕃適軍符飛羽之狄
敢安駕方顧幕府重師之任曷稱鷹揚茲蓋恭遇 皇帝

旋轉乾坤輯寧海宇非賢固又謹一日萬機之微無競維
人幹三軍五兵之運肆令愚陋張我皇威臣不敢遵奉明
謨布昭聖武惟當鞠躬而後已其責在臣若夫成功則不
知惟天祚宋

樞使督視兼知建康府

巨山

峻班宥府出董戎旃宅牧陪都併司宮鑰邈炎蒸而于邁
覲憂顧之少寬遄次軍門具宣廟筭臣聞應事變者不遑
於寧處視師征者焉有於定居顧長江合上下之流風寒
非一惟鍾阜据東南之會形勝猶存俾於此以建牙殆猶
身之使臂切仰明謨之指授孰堪多事之驅馳有若臣愚
寧逃淵鑒意者乃聖乃神之英主方折箠而答四夷雖以
不文不武之具臣可授鉞而護諸將肅將帝命已視師于
茲蓋伏遇 皇帝獨斷睿謀兼收群策謂明威可畏詎容
蛇豕之妖今厄運當銷自應佛狸之讖顧如臣等足辦邊

防臣敢不夙夜靡遑東西于役縱無遠見料軍戎萬里之
情豈之孤忠運帷幄一籌之勝

鄒給事除潭帥

梅亭

撫桂堯之封了無善狀謀荆潭之帥又玷恩除晉遠直於
奎文蒙趣行之璽命循墻靡獲問路疾驅倣見士民虔宣
德意伏念臣賦材不腆取數已多青瑣追隨日何裨於三
接朱轡旋轉星坐閱於一周未滿戍於池陽尋改轅於嶺
表徒守無革之悃幅曾微可紀之功名願將母以投閑幸
蒙恩而受代詎意升班於文閣復令分閫於武安惟長沙
千里之平寄隆岳牧而洞庭九州之大責重藩垣前此委
兩社之間否則取六官之長詎容謏薄猥備使令茲蓋伏
遇 皇帝任官惟賢試臣以職大懷小畏封疆已復於東
秦近悅遠來保障仍先於南楚俾承嘉惠往撫疲氓臣敢
不祗適教條將明惠澤材全而能鉅難希開鎮之揚憑功

少而勢疏願效稱忠之吳芮

郭帥謝到任

山房

街命睦隣慨神臯之未復叨恩分閫愧將畧之非長屬立
表之有期恐循牆而莫避輒趨營塢謹視印符伏念臣五
世逢辰三朝綴仕始由涓贊誤簡淵衷列衛諸才竟負
阜陵之殊遇屬橐入侍旋陪文陛之信臣既中外之屢更
亦偏禪之游歷竊掛弓而圖報尚橫草之未酬每思鳳翔
勳伐之旌猶藏盟府及讀馬革死邊之傳怨墜祖風數戰
髮以無多詭州麾而自試方候戍葵之次敢圖細柳之行
惟秋浦之上流控長淮之一面地形峻峙前瞻廬壽之戰
區天塹橫陳中接荆吳之聲援邊烽久息家累日增非深
識兵勢之人孰當警急歆少賈敵場之氣尚費拊循藐下
臣而無聞冒中權而有懼 陛下博收戎佐靡間位名既
分宿望以責成猶歆後來之輩出知臣雖乏汾陽之貴氣

謂臣久聞隴右之家聲因其能忠謹以自將遂假以事權
而躡授臣敢不勉思附注載緝犀渠志在死綏雖未得犯
難忘生之所師如挾纊當使有捐軀徇國之心倘尺寸之
幸成庶消埃之少吝

潼川路安撫到任

鶴山

王三錫命誤新渥於松階國十為連忝舊封於梓部莫俞
翼積敢後寅車伏念臣才不適時學惟事道際遇兩朝之
久踐揚三紀之間為詩遺王名曰鷓鴣本期救乱取彼諧
人投畀豺虎皇恤傷讒尚憑高廟之神靈更賴天王之明
聖返湘纍之初服釋楚繫之南冠訖俾生還誓言死報矧
又授鉞於赤甲白鹽之下予麾於玉堂金壁之間猶未厭
於宸心復游頒於閩寄地連巴益分四千石虎竹之符江
接梓渝理十六載龜琴之夢維時多故歷變方新民夷有
侏儒穢雜之難齊郡國有赤子龍蛇之未定而民力張弓

之莫弛邊氛煽燎之方揚豈惟鵜在梁之羞抑亦蚊負山之懼厥為忝冒實出會逢茲蓋恭遇 皇帝陛下德歌九功明見萬里暢皇威於海岱允矣東漸汙廟算於岷嶓騰焉西顧謂南維之絕檄寔北定之良圖念及微忠復加隆委臣敢不修其可願欽乃攸司銷帶牛佩犢之風導之務本堅使馬如羊之誓廉以安邊

江東漕到任謝

西山

兩螭夾侍久點近班四牡載馳叨分劇部假中祕隆儒之寵為外臺將指之光望過所期感深以惕伏念臣材非適用幸有逢辰屬漢延更化之初首唐室登瀛之選金鑿夜直承密命者六菁玉陛晨趨對清光於再稔凡吮墨濡毫之任皆振纓我弁其間吏責既稀所願優繇於通列 主恩未報寧忘眷戀於 本朝其如親闈喜懼之年當謹人子清溫之職輒援公輔辭翰林之請庶幾潘岳奉版輿之

權分太守之符曰需成命出少府之節遽冒殊恩懷章而過里門閱宿而臨封部敬卜中和之節重宣寬大之書軺傳初馳旄倪爭覩謂 朝廷所以輟柱下之吏蓋 聖主將以惠江左之民因博採於風謠頗究知其疾苦以垂罄之家而因追需之目以婁豐之歲而多流徙之人官無足證之簿書里有難平之徑後文移星火不勝胥吏之誅求牒訴丘山半為賦租之煩重興言及此勿採可乎輒殫朝夕之咨諏兼可公私之緩急賦難遽省蓋漸捐賦外之征民未易蘇當先去民間之蠹切自量其繇薄恐終負於選倫茲蓋恭遇 皇帝洪造曲成大明博照念臣志存將母俾獲便於盲甘知臣學本愛人欲稍觀其政事肆加遽職仍畀重權臣敢不以阜俗為阜財之方以悅民為悅親之本灌輸所仰媿無鞭算之能搏節是先敬佩 玉音之訓

成都漕到任

梅亭

守墓願之江鄉固功攸御用龍節於澤國受命將輸忱辭
方切於循墻便旨必令其叱馭馳驅非據踧踖知慚臣切
惟大學生財義利是辨小雅遣使忠信為先顧在魚鳧實
為狼狽粟非天雨古難轉粟以上天錢不鬼輸今豈有錢
而使鬼必盡諏謀咨度之智斯知疾舒眾寡之源伏念臣
實不中聲學未聞道去國十暑久違閭闔之風起家一寒
再成蓬婆之雪誤連四千石之重初乏萬分一之功豈圖
由列雉之城就令濡四牡之轡輕車熟路敢言周道之遠
遲數暑洿池適值益州之疲弊外欲給糶糶之飽內當閔
鴻鴈之飢此豈駕材堪任驪駕茲蓋伏遇 皇帝明見萬
里聰冠羣倫凱未北旋軫岷峨之悽愴眷深西顧急江漢
之經營肆令芻狗之陳叶濟天人之運臣敢不謹身率吏
節用使民穿窬無羞惡之心當奉六條之察登攬有澄清
之志庶幾一路之安

湖北憲到任

格齋

剖符起廢已愧僥踰持節觀風又叨臨遣星言于邁夙次
所臨伏念臣草芥人微斗筭器小紳笏二十載何有寸功
風波千里端止欠一死曩丞棘寺出守山城讒言驟興政
坐過客厨傳之故公論既定復見中天日月之明方拜命
於州麾忽疏榮於使指惟是重湖之外實連三楚之區民
雜蠻徑地控邊瑣渺焉蒲澤之深阻甚者潢池之繹騷自
非酌寬猛之宜是必負澄清之寄有如抗拙曷稱使令茲
蓋伏遇 皇帝陛下蹈舜好生傳湯祝網欲妙按臨之選
以將欽恤之仁謂使過賢於使功將觀後效而聽訟不如
無訟何必能聲臣敢不循行郊原延見父老道上德意俾
各懷自愛之心問民戚休勿使有多暴之俗

湖南倉到任

後村

郡紱久紆拙勤無補使華就遣簡記有加引避弗隄冒榮

滋愧臣瞻言湖外越在楚南綿地廣故民瘼難知去天遠
故吏奸易肆必藉寧惟之詢訪度寬負宸之顧憂如臣者
起自窶儒見稱樸學方其盛壯久沉常調之中及此暮衰
始踵英躔之後甫離鵷序旋守鴈峯芻牧之心惓惓至切
繭絲之計斷斷不為閱下考之再書迫偏親之大耄方謀
祠廩猥建庾臺惟熙寧創置之嚴况嘉定選除之遴既慙
材薄復恐望輕鄉典偏州尚拊循之可勉今廉一道豈罷
軟之克堪茲蓋伏遇 皇帝陛下加惠黎元勵精政治
博求忠信俾咨原隰之間一視遐荒若處甸畿之內顧容
駑鈍亦忝驅馳臣敢不宣布詔條推原德意雖無風采令
山岳之動搖尚竭心思訪閭閻之疾苦

林金部謝除浙西倉

竇總

飛龍上天正疇膚使之良駕牡日邊猥及漫郎之陋足驅
馳而易徧力負荷以難勝敬稟庶謨恪趨臺治伏念臣江
湖墜緒庠校下陳早歲激昂亦有癯儒之志中年泆泪幾
為俗吏之歸惟先皇加惠於草萊雖一令亦塵於葑菲自
貳以守繇丞而即泊停風木之悲復玷握蘭之寵光靈過
矣報稱缺然正思返實於丘園詎意升華於原隰勝言右
浙實號內畿煮海蕭疎徒作鯨波之宅園田紛錯幾為魚
鱉之隣徇民之便則上命不行倚法以削則下情易駭必
也兩全之濟庶乎百謫之寬方聖君臨御之初且哲輔蒐
揚之始盍陳范轡以重漢軺胡為四輩之除實在一人之數
皇帝陛下鼎新庶政器使百工載嚴更出迭入之規尤遴
激濁揚清之選謂臣嘗分侯服粗諳州縣之事宜知臣游
廁周行熟識朝廷之志慮不深尤於駑鈍故驟假於鴻私

臣敢不祇奉六條力竭百蠹念御極宅尊之日尤觀風問俗之時政已正人豈一用芟鋤之力足民足國庶永為休養之圖

淮東倉到任

后村

偏郡剖符蔑著守邊之績公朝出節就叨司庾之除問官吏以兢心讀訓辭而感涕伏念臣單平一介坎壈數奇承先世清白之傳慕古人忠孝之節務為軟熟既恐負於初心稍自激昂乃見非於流俗積有風波之搖蕩每蒙天日之照知甘屏伏於一丘偶推迂於三郡雖書生乘障無可喜之功名然聖世和戎亦粗嚴於疆場俟竟金湯之役即尋香火之緣忽拜誤恩驟將隆指維淮左熬波之利軍國所資自海陵竭澤以來公私皆病姑仍舊貫則無奮起之漸少出新意則有更張之嫌凌雜未益尚恐秋毫之難析驅馳原隰更虞風力之弗強深哉東掖之恩凜若曠瘵之

懼伏遇 皇帝陛下罪新百度甄別群工察臣當官而行不知強禦之可畏謂臣在外之久庶幾險阻之備嘗頃焉伏奔走之勞或者究阜通之策遂繇支壘俾涖外臺臣敢不祇對龍光勉殫駑鈍雖素無心計可洞識於源流惟不為身謀庶少裨於消露

泉州到任謝

西山

蕩節九州觀風何有桐城千里假寵過優倣見吏民敬宣詔旨伏念臣性資慙拙學術迂踈入侍禁林仁守勿欺之節出乘使傳曾微可錄之勞每慚虛負於明恩敢謂更叨於劇寄泉雖名鎮古號樂郊其柰近歲以來浸非昔日之觀征權太苛而蠻琛罕至滂傷相繼而農畝寡收宗支之廩倍增郡帑之儲亦立銀溢於山者亡有歲為旁郡而代輸粟生於地者幾何日伺鄰邦之轉餉罄罄手鞭扑之苦矐矐焉帆檣之來凡茲數端尤為深病顧雖一旦不可寧

居切自揣於庸虛凜莫知其稱塞茲蓋幸遇 皇帝陛下
燭臨萬國器使百工念臣篤於事親期欲便甘之奉知
臣嚴於律已或能銷貪鄙之風進邃職以獎行錫溫綸而
加勉臣敢不欽承異渥誓答隆知廉平而吏民敬焉雖莫
望漢人之政忠信則蠻貊行也願恪遵孔聖之言

再任泉州謝

西山

奉祠居里每勤北極之瞻進職守藩復忝南州之寄甫臨
舊服恪布寬條臣聞天道至仁風霆無竟日之怒聖君大
度山林鮮終棄之才韓安國起於徙中柳宗元用於貶所
皆為長吏蓋值明時微臣乏漢唐二子之能 陛下守祖
宗萬年之法昨者金華之入侍溫然玉色之下詢曷嘗因
諫以罪人自媿格君之無術方抨彈交上獨亮秋山之愚
迨需宥一頌盡洗元成之玷何啻於議罰而樂於用恩庸
見九重之本心不忍一肯而棄物既班次對又秩殊庭沒

齒飯蔬夫亦奚憾建牙作屏則匪所期敢圖朱轡皂蓋之
華仍泣紫帽清源之境念昔 先帝付臣此州玩愒三年
不聞善最侵尋半世復見遺民屬當公私凋弊之餘不勝
上下煎熬之急七邑而二為煨燼十室而九乏蓋藏禁旅
雲屯軍餉每難於宿飽宗藩日茂俸給半出於鑿空自省
迂踈若為經理茲蓋恭遇 皇帝陛下道心淵靜德性昭
融不以諛說為愛君故略臣疇昔嬰鱗之譴不以聚斂為
體國故取臣平時求救之長畀以舊封責其來效臣昔猶
將母今獨携孥祿弗逮於養親志惟顯於報上拊摩瘡痍
冀邦人生意之復還培溉本根為 聖朝元氣之一助

廣東倉到任謝

后村

起廢察州從天而下便私易地遵海而南具布漢條初行
粵俗臣切稽使指備載聖經君之遣臣也有光華臣之報
君也以忠信今百端之供億殆遍國中餘一髮之本根獨

惟嶺外方且余舟之發銜尾差鈔之取及膚空熙豐以來
之儲增紹淳未盡之額使賈生而及見哀痛若何雖劉晏
之復生變通安出乃如臣者豈其任哉嘗試絃歌本宓賤
言游之緒論追分符竹慕陽城元結之遺風久閑退而里
居光闊踈於時務疚心徒切着手實難惟有清修華彼篚
苞之類詎宜謬巧取諸荷箬之間民生或不自聊臣死奚
足塞責矧郡邑之三風猶熾與閭閻之五瘴未蘇曾是人
微欲其身率茲蓋伏遇 皇帝陛下記功忘過舍短錄長
謂一男子妄上書本緣愛主屬見大夫無可使遂取克負
庶令荒遠之情悉達靖淵之聽臣敢不寒惟而訪草奏以
聞惟無瑕者錄人必先已責以不貪而危寶可戢吏饕

知袁州到任謝

遭噴言而去國自屏空山奉明詔以典州且叨善治已臨
封域具布詔條臣本起鰥生最為拙宦偶逢摠攬遂忝旁

招猥塵公府之僚嘗奉便朝之對莫施螢燭裨日月之清
明雖批龍鱗覺雷霆之開霽惟小臣之孤立恃明主以少
安及速抨彈尚蒙涵貸支離賦粟方此養瘡象罔得珠俄
而起廢唯袁為郡舊名安靜之區與盜比鄰今亦孤危之
地域空無備兵少且孱孱以妄庸謬分千里之憂恐倉卒難
待一朝之變而况別慈顏於膝下魂夢屢驚旅隻影於天
涯宦游奚樂徒有君親之一念若為忠孝之兩全茲蓋伏
遇 皇帝陛下奮發主威作新吏治謂多壘艱難之際務
使民安凡錄屏臨遣之人率由聖擇乃如臣等亦在數中
臣敢不厚培本根申畫圻守長江之險與我共願為強敵
之防四境不治如之何此則微臣之罪

知榮州謝

梅亭

佐黔巫之東鄙將及戍瓜守巴樊之南安濫叨符竹出幕
十年之未久循牆三命之惟共冒象馬以牽江跨捷梓而

入境皆知聖主清衷之一視故令愚臣白首以重來伏念
臣殖學拙疎賦材褊淺耗精神於場屋得弗償勞疲筋力
於塵埃衰不待老頃繇故府入糾成均韓愈補苴奚溢泄
茫之墜鄭虔輶軻難陪衮衮之登久去國以奉祠辱起家
而貳郡敢意三刀之夢蜀復令五月而渡瀘維今榮隱之
邦實昔夜郎之壤貳耕火種予浙劔炊歲計經常之租無
六千斛郡仰斥鹵之羨已五百年比因刻木之花銷致辱
前茅之根括熏鼠不嫌於穹室奪牛反堪於蹊田凡昔留
州悉令送使無復斗升水之貸存活介鱗縱得二千石之
良終成狼狽豈其庸謬堪此奉承茲蓋伏遇 皇帝陛下
政在養民仁不異遠雖蓬婆雪外之戍萬里軫憂與長安
日邊之州同時並命殆念和義孤墉之陋未正紹熙潛邸
之名三年弄印而印刑四輩代庖而庖竭破凡削例不待
張詠薦李旼之來拔滯振淹蓋法 藝祖任王明之意臣

敢不謹身率下節用愛人且飲水食蘗以自將勿爲義疾
儻求牧與芻而不得甘俟罪歸

邵武軍到任謝

秋崖

以柳易播尚誤寬息自江入閩已祇遠戍感歎聖朝之仁
厚矜容臣子之慙愚伏念臣守剛而乏沉潛學朴而少涵
養事人以直道豈豈世之能容得封如曲鉤亦平生之不
取惟知公是未覺昨非粵從督議之參商出守廬山之僻
小可以悔矣鄭商人之環何必爭抑有疑焉楚齊侯之地
不相及夫奚湖廣之饒所具折江東之守臣不敢忍於一
慙已自甘於三黜爲臣懼者皆曰南陽帝親惟天知之乃
謂東朝公事第與更其竹使亦不俟於瓜時茲蓋恭遇
皇帝陛下徧覆無私容光必照天下事惟其是而已何間
賤微我之心亦有曲者乎一惟端直故雖肺腑之請曾靡
毫釐之偏肆今危蹤無失故步臣敢不仰憑公溥益勵直

方母虐箠獨而畏高明安用
前車之戒與致平理而
銷愁嘆勉為後効之圖

知均州到任謝

松湖

承乏貳車僅解洪都之組分憂一障猥臨紫塞之衝戴星
塵百舍之馳就日仰九重之邃寘身地僻引睇天高伏念
臣遲鈍母堪朴忠自許束書壁水思深樂育之莪射策玉
墀濫折清香之桂蹤跡雖沉於州縣精誠敢外於闕庭
慈皇龍御之初論事偶陞於一秩禁從鸚書之薦不才荐
忝於子科夫何坎壈於數竒動輒崎嶇於寸進出禪會府
甫及戍瓜入扣修門遠叨剖竹小壘拜朱轡之命大明遣
丹宸之期從容錫對之溫抃蹈觀光之喜雲天尺五退慙
臨遣之榮道里數千恍記馳驅之舊倣憇駭奔之郵傳敬
宣鴻博之詔條藐是陋區介于絕徼兵屯單弱萃瓦合之
貌貅井邑蕭疎雜山居之麇鹿塗艱通賈帑之宿儲三年

四易於守臣百計一無於巧畫誰言孱瑣亦玷選掄
皇
帝陛下繼照文明折衝神武守衛中國謹未徼外治之防
朝會諸侯飭車攻內脩之政役要荒於臂指嚴控扼於咽
喉精東老成誤膺委寄臣敢不鞭駑策鈍整蠹綏殘賴上
威靈震盪言疆表之境道王德意拊安鳩聚之昨

知楚州謝

松湖

十年宿衛愧無橫草之勞千里蕃宣誤玷分符之寵戴星
叱馭諏日眡龜覽觀雄勁之山川屹立崔嵬之雉堞萋迷
煙水慨清河之戰場慘愴風雲想淮陰之大將自昔形格
而勢禁于今民悴以兵驕匪藉通明昔為經理伏念臣馳
驅行五扞禦封陞福艾竒麗初乏燕領封侯之相慷慨奮
厲空懷馬革裹屍之心敢期瑣瑣之鶻冠上簡煌煌之龍
袞擢繇偏校入侍周廬玉陛九重扈宸居之蠖濩冰河萬
里使絕域之氍毹夷險一誠翫麟孤立方膚箕肅清於荒

徵俾近臣鎮撫於遠，誰謂孱虛亦膺委寄。皇帝陛下
羈縻四裔，襟帶八荒，丹青之信甚明，靡使敵情之叵測。赤
白之囊未警，首嚴邊瑣之科條。登臣早戍封陞，必閑外禦。
念臣久陪環列，能體上心，寵放尺一之書，俾紆文二之組。
臣敢不輯綏，瘡痍彈壓，躁囂執弓矢而屬韃橐，詎敢輕言
於行陣。明烽燧而嚴斥堠，惟當謹固於封圻。

轉官除職謝

謝轉太中大夫

後村

分間罔功，虞典尚寬於幽黜。拜官甚寵，漢恩特示於超遷。
疏渥雖優，循涯有覲。臣切考本朝之定制，尤嚴四品之
文階。秩視諫大夫，亶為高選。官非真法，從不可序。升政須
耆舊之人，始稱褒崇之數。如臣者素無事業，誤東眷知入
扈蹕於九宸，出總戎於四路。際風雲之會，曾微橫草之功。
累日月之勞，徒起取未之謂。通班浸峻，論報滋難。茲蓋伏

遇皇帝陛下德極照臨，政先綜覈。三載攷績，尚存隆古
之遺。八柄馭臣，庸作群工之勸。遂令冗迹亦玷，邇聯臣敢
不祗若。綸言誓殫綿力，身居外服。雖莫陪禁近之游，力守
孤忠。庶無忝論思之職。

捕獲海寇謝轉官

西山

銅竹分符，實任九重之託。管蒲徹警，幸臻千里之安。逋責
已優，叨榮實懼。伏念臣材非敏捷，志切撫摩。田里熙熙，粗
喜鼓桴之息。波濤洶洶，忽聞舟楫之驚。念非逆折其萌芽，
將恐難圖於滋蔓。協兵民而進討，賴將士之宣勤。怙衆陸
梁，始猶出押之兇。望風披靡，卒為遊釜之魚。迄憑藉於天
威，遂肅清於海服。效非循吏，敢期漢璽之褒。名在大夫，俾
晉唐階之峻。退循非據，莫獲終辭。茲蓋恭遇皇帝陛下
明照無私，功疑惟重。可以與可以無與，姑從厲世之權。簡
厥修簡，或不修庸。示馭臣之柄，顧雖驚怯。敢昧激昂受賞

無名愧貽譏於鵝翼報恩有地誓輕死於鴻毛

轉寶章閣學士

秋崖

邊城分柶曾莫畫於一籌遠閣進班乃併躋於二秩幾措躬之無地靡容力以回天臣歷觀古者封疆之臣皆有隱若藩垣之勢鄧訓校尉耳而鮮卑不南牧舒翰將佐耳而朝庭無西憂彼亦何人有為若是而臣見謂碌碌徒抱區區咨翹裕乃父功竊愧西平之子惟虜難為中國患每勤北顧之思慨氛祲之柰何易星霜其屢矣雖褻革之言猶在然枕戈之志未酬奚有壯猶驟叨誤渥茲蓋恭過 皇帝兼收群策洪濟多艱采薇歌以遣之每興懷於戎役著我能樂育也諒拊髀於人才故恩寧失之過優詔弗俞於終遜若為稱塞無負遭逢臣敢不竭禦侮之謀佩折衝之訓執干而衛社稷思見乾坤之清夷挽河而洗甲兵允賴君王之神武

除華文閣直學士謝

秋崖

守塞何裨驟班為閣循墻莫避祇服堯言欲更陳一得之愚懼有瀆四聰之聽臣觀近歲旄頭之慧痛諸邊兵氣之纏尺箠以答共憤強夷之猾夏寸陰可惜蓋收群策以防秋乃今疆場之間憂隔朝廷之遠脈絡不實精神自疲歎內詛而外訐誰其棘矣雖朝奏而暮報倘竊逢之胡為書檄之交馳竟令歲月之虛老興言及此誤事謂何若然則寓直於西清亦奚以解憂於北顧矧若臣者本無能為毛錐子安用哉久有從戎之悔黔驢之技止此耳曾微分柶之勞故四年東征而無以宣皇明群醜南牧而無以遏亂畧正慙公議乃玷殊褒此蓋恭過 皇帝以神武馭英豪以忠厚用刑賞慨事會之無極慮莫先於儆風寒念人才之實艱愛之甚於護元氣肆放渙汗靡徇巽章臣昨已丐骸弟深刻骨未先狗馬填溝壑敢忘報國之忠其友麀鹿侶

魚樵怨誤臨邊之寄

江西漕除直祕閣謝

養浩

掌計外臺念救菑之何益陞華延閣驚渙寵之非常思出自天感深跼地伏念臣資深學淺致遠才疎早際會於昌朝遂叨陳於煩使問錢穀之入禪稼政以奚勞圖田里之安剖竹符而罔效方切曠瘼之懼荐分澄按之權藐是大維之區適此木饑之變腰鎌所刈登無樂歲之三胥篋相仍窘出平時之倍一心黽數月支持上惟廣於聖恩下率先於僚屬天心助順既十風五雨之不愆播事有秋豈千倉萬箱之足計疇昔劔刀之佩秣今襦袴之謠皆明君矜恤之功何小已奉行之力而乃叨膺異數進陟崇班以荒政十二而聚民愧疇庸之焉有乃取禾三百而不稼徒冒賞以為慚伏遇 皇帝德本好生道存兼濟焦勞黃屋以百姓之心為心極郵黔黎後天下之樂而樂迺眷此邦

之早尤深當宁之思推厥本原吏之責爾形於綸綍已若使然迨茲安集之期徧爾綏懷之賞有如駕鈍亦被龍光臣敢不體上憂勤與民休息災流行而代有敢恃當豐備先具而積多當圖後效

除端明殿學士准東制置大使謝 方秋崖

青真授鉞適遵廟筭之長紫殿通班驟峻使名之大曾未寬於憂顧乃誕示於榮懷久矣循墻悌如臨谷臣惟端殿所以待儒學大相所以重威權顧自愧於謏聞莫遠摺於前載言觀帝綍謂後家嚮寧知不肖之孤所謂無能於役蓋以先臣繇科第出臣則不過司勳之賞官先臣以物望聞臣則不過守邊之庸吏况五年於外禦殆四鄙之皆驚其如冥目而有知何所施顏而下見世選勞予不掩善允謂誤恩考作室子弗肯堂父孤先訓今者臣父建大相於十載無塵之後而臣非父任臣父榮端殿於九原莫起之

餘而臣則身親勤勞不及者遭際過之學問無聞者清華已甚此蓋伏遇 皇帝以天保來薇治內外以洪範皇極克剛柔惟干戈省厥躬久切焦心之慮遣將率衛中國每勤拊髀之恩迄使微臣越膺異數臣謹無忘嘗膽永矢捐軀朝廷有自治之規其偷安之為戒夷狄無常盛之理或送死之可期對越明謨有如皦日

除寶謨閣學士知泉州

何尚書

李梅亭

老臣納祿勤大造之曲成邃閣升華分堆藩而出守帶宜褫而或錫衣既敵而改為有渥一麾恪共三命伏念臣去天雖近來日無多游干不得謝之恩力控致為臣之請鴻鴈高舉已絕望於稻梁牛羊下來難更求於芻牧敢意冕旒之遽曲怜簪履之遺溫洛寶儲增賁嚴凝之直清源巨鎮俾需更戍之期仍分在笥之裳益耀還鄉之綬於臣侈矣何日忘之所慚大耋之侵恐負細書之賜茲蓋伏遇

皇帝陛下仁不遺舊恩欲成終郡守選用賢良顧資已老之龔遂學士足為光寵反加告去之知章雖非為官而擇人殆於養廉而厲俗臣敢不磨礪晚節佩服宸恩桑蔭幾何誓不忘於傾日瓜期而往願卒聽其引年

除閣學知潭州

鄒給事

梅亭

解組外藩屢控陳情之請晉班內閣仍叨改秩之恩冒伸偃僕之再三難拂威顏之咫尺綸言已布綿力奚堪伏念臣資弱弗張材凡不穎歲糜月費已成四十九之非君寵母恩未有萬一分之報徒以南陔之相戒難乎西廣之久留力於旬祠志在出嶺敢意躡躡於美職復令假守於名邦湖南之壤三千夙稱清絕之地瀛洲之士十八上通碧落之天矧超階級之崇殆匪堵墻之冗豈繫踈拙可稱選掄茲蓋伏遇 皇帝陛下眷厚近臣恩隆遠服念臣一麾之出守游歷歲華察臣四國之于蕃粗諳民事特峻西清

之秩更圖南土之居俾諧便養之私兼課承流之效臣敢
不思酬簡注勉策疲庸趨迂而至太中賈誼何辭於湘水
光寵而兼學士知章終願於鑑湖

加職謝

謝加龍制因任

格齋

分間固功恐坐黜幽之典出綸有命忽叨進律之除是何
宜斥而反迂籍甚以榮而為懼罕辭不獲重拜靡皇伏念
臣早竊儒科晚塵禁從民曹經幄殊深非據之慚松徑菊
籬屢起歸休之夢偶值龜城之謀帥俾承芝詔以克負屬
干戈甫定之餘而杼軸已空之久雖勤拙相補里閭稍稍
安之然衰病交侵精力駸駸憊矣方上祝釐之請敢圖錫
命之榮誤恩俄被於龍光寵秩載騰於鳳檢幹方錦里已
寬庭特之誅候對松階更冠寶儲之首 陛下天臨廣宇
子視遠民察知几案之小材寔維簪履之舊物雖政拙自

注下考僅輸撫字之勞而賞疑所以廣恩式彰忠厚之意
但臣駑材素下鼠技已窮深虞末路之難併使前功之廢
臣敢不益鞭其末圖謹厥終抖擻精神勿蹈虧功之戒道
遙田里終期從欲之仁

謝加直學士再任

遐陬分間踐更久過於瓜期遽閣陞班申命復煩於芝檢
山川如舊寵渥惟新循墻力控於忱辭出綬莫迴於成渙
伏讀溫詔益震危衷伏念臣結約無奇侵尋已老入持禁
索論思莫效於嘉猷出帥藩方撫字第勤於拙政方凋瘵
瘡痍之未復嗟勞徕安集之良難雖几案麓材或謂頗堪
於煩使而蒲柳弱質其如已迫於周年曩嘗力控於封章
止願退安於閑散乃俾解裝而承乏且蒙進律以疏榮日
往月來倏已復周於歲籥心勦形瘵惟憂浸蹈於官箴投
誠方切於丐歸有識咸譏其已晚敢謂峻除於寶度居然

就撫於油幢深虞併廢於前功無以仰承於膚渥 陛下
天臨百辟器使群工欲使蠶叢魚鳧之區如在豐鎬鄠杜
之側肆綏遠服重簡淵衷謂道州之考何長姑令撫字而
許丞之龔不去可免送迎宣時頽墮之蹤假此斯湏之寵
臣敢不共承明命罄竭謏材老馬力疲末路分甘於伏櫪
窮猿意迫歸心第切於投林

明堂加邑謝

袁安撫加食邑謝

質認

歲事紫壇甫洽駿奔之喜疏恩黃屋驟膺龍命之華分地
云初戴天敢後伏念臣一切內甸再遇總章時當龍位之
方升新忝雞翹之未綴雖陪薦玉莫相鳴鑿敢圖五等之
封與被十行之詔 皇帝合祛禮重並侑誠深宗祀明堂
不獨言邦家之典受釐宣室亦欲均臣庶之歡燕及守京
亦霑昨土臣言功無有拜賜已多扶石二千既合率先於
侯度取屢三百尚思補報於君恩

降職祠謝

謝降直學士

後村

愚臣引咎甘寘嚴科聖主隆寬稍裁華職危蹤甫定感涕
橫流伏念臣以踈庸之才當董統之寄奉玉音之臨遣專
欲息民凡綿力之經營第惟固圉一從索虜再入浮光勢
既披猖事誠危急念全軀保妻子之計夫誰不能然以賊
遺君父之憂在臣何忍况制閫獲便宜之音而兵家有牽
制之謀指授之初預戒貪功而倖勝文移所至每令見可
而知難邊頭皆奏於膚公京口獨違於節度及師潰肆城
之下以身當淮左之鋒寢食不遑鬚髮盡白席藁私室抗
章公朝謂馬謖敗於祁山亮先貶等任福敗於好水琦亦
奪官彼元老以猶然臣何人而自恕矧欲謝三軍之衆靡
容恤一己之私懼方凜於淵冰戢宜加於蕭斧訖從寬典

曾出異恩茲蓋伏遇 皇帝率作事功丕昭賞罰憤神州
之責盍歸王衍之諸人誓殺陵之師不棄孟明之一青故
加薄譴庸示至公臣敢不堅守孤忠痛思往咎佩大易匪
躬之訓固莫辨難味先民陳力之言終當知止

趙龍圖落宮觀謝

秋崖

囊封自劾分投荒裔之居論音載盼僅削直庭之秩感寬
恩之天大隕孤涕以雨如臣本乏脩能誤叨重寄有死耳
不可屈每思馬革而聚之今老矣無能為豈知艷技之窮
已粵臨峴首逆警旄頭俾環城餘鞞鞞之腥痛列郡化夔
魃之宅禍一至於此極身百戰以何裨賴國之威彼酋其
遁而臣材不足以御衆智不足以察姦羝羊觸藩尚駭寒
垣之未靖虎兕出押詎圖家賊之難防變忽起於蕭牆勢
竟隳於屏翰擢髮以數噬臍莫追思昔先臣久茲分柶析
薪罔克負荷孰云泉壤之無知稽田既勤敷苗切歎金湯

之安在謂且賜屬鏐而肆市不然禦魑魅於九夷敢意清
朝屈從輕典此蓋恭遇 皇帝仁深在宥德洽好生意若
曰美及子孫盍稽八議幸天以賊遺君父姑緩五刑迄回
物論以并包用貸微軀於顯戮臣敢不省厥誓於羈旅終
其老於累囚念死有餘辜莫寢逆難之梗化倘生無以報
當為厲鬼以滅胡

叙復

叙復元官

西山

瞽言觸憲宜坐錮於終身慶澤流微迺悉還於舊物幸逾
始望恩出更生伏念臣昔綴周行嘗涉內直花甃晝日久
承 寧考之恩蒼梧暮雲忽洒茂陵之血屬際飛龍之運
首叨馳駟之招念非忘身何以報國欲勉圖初政之助庶
弗辱 先皇之知而臣學泥古陳識乖時變無表盜之慷
慨有汲黯之戇愚聖君非不受言臣自昧於開導國人皆

稱有罪上獨示於容弗貶潮陽之八千僅奪駢邑之二
百出畫如孟子豈懷悻悻之私在畝若劉生徒抱拳拳之
意雖欲摩鉛而自效終虞復玷於孔艱遽頒紫詔之新畫
滌丹書之舊扶仍元士班視適臣間館珍臺愧苟偷於廩
祿鈞天廣樂恍如侍於威顏人皆謂榮臣獨知懼蓋恭
遇 皇帝陛下聰明天縱聖敬日躋方東朝丕衍於脩齡
而南面躬臨於曠典道民以教既洽四海之歡與物為春
忍視一隅之泣釋羈魂於幽窅返逐客於囚山爰及顛蒙
亦皆辜復臣敢不淬磨宿志湔滌曩愆犬馬之養無它惟
篤愛君之義江湖之身雖遠敢忘在闕之心

復元官職官觀謝

鶴山

七年流落幸全投裔之軀三命便蕃併賦祝釐之廩望不
及此得之若驚伏念臣賦資顛蒙聞道稍淺自玷言語侍
從之列期效論思獻納之忠而識闇不足以周事情才疏

不足以濟時用况卧疴之既久宜公論之不容白簡霜嚴
已甘大僇皇圖天廣持沛寬恩僅從三禩之科姑寘五谿
之表雖江連楚蜀無瘴為玷玷之憂然地控蠻徃有暴虎
兢兢之慮忽自天而有命俾便道以過家盡復元階實踰
始望况申榮於書殿又假寵於祠宮事光流聞時謂勅見
茲蓋恭遇 皇帝陛下德侔覆載智燭幽深憫臣斷斷無
它昔有負薪之疾察臣控控自守嘗輸曲突之忠粵從祭
澤之存頒已動聖心之遐軫上東朝之壽筭下春日之寬
書肆命元臣式商大賚臣誓堅晚節益厲後圖今為牛羊
求牧芻已荷更生之造未先狗馬填溝壑疇非報德之期

謝復寶謨閣學士

後村

罪當貶等奉以周旋恩不踰時復其玷缺拊躬感涕讀詔
汗顏伏念臣昨者憤虜憑陵出師牽撓偶邊將有憤軍之
咎在兵家存責帥之文亟自列以抵辜終不忘於敵餽賈

率連營之吏士糾齊諸寨之民丁分道邀遮阻山麓擊我
方乘勝既獻馘之屢聞賊恥無功尚遊魂而不去臣親提
突騎往撫顏行將背水以夾攻使騎輪之勿返點首先道
慘免鯨鯢殘黨繼奔散如鳥獸然後患方長而未竟願薄
材已試而可知衆口難調親年篤老憂國之心如灼論兵
之鬢已霜方陳累疏以丐閑乃周微勞而牽復茲蓋伏遇
皇帝陛下操持威柄綜覈治功謂事有至難寧保用兵之
利鈍念臣無它技粗嘗在外之險艱還其筆橐之班責以
桑榆之效臣敢不深思大計益謹後圖觀過知仁允蹈聖
人之明訓鞠躬盡力仰希前哲之盛心

新編翰苑新書卷之二十五

后集

俞懷英

新編翰苑新書卷之二十六

后集

。賀牋

皇太子

賀東宮

後村

國嚴常祀載循重屋之規帝享純誠爰輯儲闈之慶中賀
恭惟 皇太子殿下望隆貳極儀亞至尊事天不以文既
成熙典受祉施于子宜介鴻休臣幸際昌辰適縻外服陪
奉璋之彥莫造邇聯瞻主鬯之賢第祈景貺

元旦

賀正旦

江西漕

養浩

鳳曆頒春餞餘寒於北陸龍樓催曉介異祉於東宮共惟
殿下盛德淵冲懿文日就禮嚴定省時甫畢於冬溫學自
緝熙功又申於春誦肇更歲律茂對天休少海波澄叶祥

風之解凍存雷地奮惟好雨之知時臣將漕西江馳神甲
觀門森雞戟方新桃板之題酒酌獸樽莫擬椒花之頌

賀正旦

後村

春陽萌動肇紀王正儲極邃嚴是膺帝祉歡騰寓縣慶屬
宗祧共惟 殿下迪德溫文挺姿英晤雞鳴問寢仁孝之
譽日隆鶴禁談經學問之功時敏茲臨華歲茂介繁禧臣
分聞攸拘造庭伊阻丹墀設仗莫觀元日之儀青地稱觴
喻睇前星之曜

賀元正

丙子代衛參政

梅亭

堯年起丙載新鳳曆之頒夏正建寅仰協龍杓之指萬邦
以正百祿是道恭惟 皇太子殿下賢智夙成溫文天稟
春回嶰谷剛潛蒼震之亨日出嵎夷柔麗黃離之吉履端
於始長發其祥臣舊忝儲寮今叨蕃牧後天下而樂濫假
寵於虎闈布正月之和遠馳神於象魏

賀元正

松湖

太簇宣和驗飛葭之應律少陽拱極粲若木以交輝山河
回一氣之春曆數衍萬年之慶 殿下乾九四之潛德震
一索之長男問寢雞鳴紫禁耐煙花之曉賓賢鴻翼皓眉
峙雪柏之堅光生青輅之旂驩溢蒼龍之闕臣濫分竹使
逖蔭叢霄初日紀乎星躔遙認前星之照仁風翔乎海表
孰非少海之波

至節

賀冬至

梅亭

黃鍾協律七日驗於復來青輅發祥萬物由乎震出式裛
番祉茂對新陽恭惟 皇太子殿下海潤星輝金聲玉裕
行一物而得三善儲德克岐奏六佾而建九旗禮容有奕
履此逆長之候昭哉滋至之休臣假守熊湘阻趨鶴禁合
八能於漢殿阻陪北闕之趨襲九辨於楚詞請祝東皇之壽

賀冬至

後村

緹室吹灰迎長伊始青宮主鬯受祉維新和溢殿闈歡騰
寓縣 殿下性根仁孝孝造高明入侍嚴宸常謹雞鳴之
問出親端士適觀鴻翼之成對陽德之方亨慶天休之滋
至臣踰瞻鶴禁屬縮麟符賡輝潤之歌雖慙詞藻賦固陵
之什願祝壽祺

生日

董侍郎賀東宮

梅亭

十四月而生堯實開昌運八百國之敬啓允屬休期慶衍
宗祊驪騰寰海恭惟 皇太子殿下聰明時憲聖敬日躋
震一索而亨是為天地之長子離重明而麗孰窺日月之
容光茲臨載育之辰益衍永膺之福臣濫分閭寄莫旅庭
趨敬與六十州之民仰瞻銀闕共祝八千歲之壽永紹瑤
圖

謝牋

皇太子

除官謝

何尚書除刑侍

梅亭

刑曹劇部貳職匪輕法從真除參聯甚寵况加盛服仍束
精鏐拜賜便蕃拊躬震疊伏念臣力綿材薄歲暮日斜舊
陪碧落之班屢玷清華之選一矣微生於偃月十年甘老
於卧雲豈意餘齡復還舊綴孤裘破碎囊持紫以謂何鶴
骨支離腰圍黃而不稱靖循僥冒豈有寅緣茲蓋伏遇
殿下粹德玉溫凝姿海潤賢聖仁孝聞天下未始自驕左
右前後皆正人尤勤搏來故令蒲質得傳楓宸臣敢不祗
服寵光對揚休命論思獻納期殫入告之忠惻怛哀矜仰
體好生之德

轉官謝

謝轉太中大夫

後村

謗材分聞未補一毫優詔遷官驟登四品命倣頒於丹陛
 恩密戴於青宮伏念臣奮迹單寒逢辰休顯入持紫橐何
 補論思出建碧油更慙風望屬會吏銓之課猥升法從之
 階茲蓋伏遇 皇太子殿下迪性溫文挺姿明睿承顏廣
 內恪修問寢之恭聽事嚴宸密贊求才之治肆令踈迹亦
 造高華迹遠甘泉空綴嚴吾之列心依少海莫陪園綺之
 游

郊祀轉官謝

衛參政轉官謝

梅亭

園壇八陛錫福庶民方岳諸侯進官一列併爰田而增衍
 遡少海以知歸伏念臣一去賓階六周歲籥高飛鴻鵠寧
 資羽翼之功行中鸞和莫効箴謀之助况南浮於湘水徒
 東望於瑤山恭聞肆類之修遙想百神之享敢圖賚子若

是駢蕃此蓋伏遇 皇太子殿下相祀紫壇疏恩赤縣悟
 南陽之牘夙亶聰明記東海之名弗遺故舊昭茲異數施
 及孤蹤臣敢不祗服恩言益圖美報賈誼自傷其無狀既
 見受釐吳芮勢疏而最忠尚希著令

明堂加恩謝

吳縣開國伯加食邑

後村

職居藩屏阻侍親祠恩錫土田例沾餘餼省躬負愧稽首
 拜加臣載攷熙朝尤隆宗祀凡在合宮之列宜均宣室之
 釐而臣方奉藩條方叨祭澤爵每陞而漸峻祿已厚而采
 增茲蓋伏遇 皇太子殿下學進多聞政由參決深宮主
 逸恪恭膳寢之儀重屋貳觴密侑馨香之薦故盼惠術俾
 衍真租臣敢不勉竭微勞少酬洪施班超護塞方當固圉
 之時張翰思吳未有歸田之日

講經轉官謝

講春秋轉官

養浩

繹麟經之奧旨甫及終篇錄馬走之微勞例加華秩拜恩甚腆撫已若驚伏念臣性本顛愚學慚固陋昨遭元僚之屬獲紬比事之書日繫之文念措辭而安敢月將之孝自逢原而有餘徒殫誦說之云何有涓埃之補况更歲久甫幸徹章既易司存亦叨懋賞所謂因人成事何止貪天之功伏遇 殿下性本生知教由早諭研筆削之旨自得於心備講讀之官不忘於學凡自經惟之啓及今賞典之行悉本贊成祗慚忝冒臣敢不益鞭其後思稱所蒙既孝而師不勞但欽異稟善賞而人多勸誓竭孤忠

請降謝

降直學士謝

后村

疏陳往咎自請抵辜詔黜隆名尚令任責雲天施大淵谷愧深伏念臣早荷國恩晚分閫寄我固守睦鄰之信彼屢

興犯塞之師勢既蔓延法當牽制師行危道雖將帥之兆才責在元戎顧偏裨之何罪亟披誠疑自列誓尤恐不免於嚴誅乃僅裁於華職茲蓋伏遇 皇太子殿下力禪聖斷密輔陽剛謂邦有常刑豈容屈法然時方多事不忍廢才示以薄懲俾之內訟臣敢不深思既往預戒未然尋香火之緣方伸前請收桑榆之效恐負初心

叙復謝

復寶謨閣學士謝

後村

扣閣自疏僅黜隆名扞塞何功忽還舊觀凌兢拜命跼蹐懷慙伏念臣昨緣邊將之踈力引中樞之咎尚寬萬死止裁筆橐之班自奮一行果奪旃表之氣始蜂屯而不去俄猷散而遂空亭障解嚴耕桑安業既竭節徇國家之事始抗章陳母子之情所冀歸休乃令牽復茲蓋伏遇 皇太子殿下謹修儲德參決政機謂治世賞刑不容偏廢然兵

家利鈍非可逆知弃已往之瑕疵錄後來之勞效臣敢不
益思振勵期稱寵榮讀誓殺之書未忘前過陳出師之表
永愧先賢

賀 皇后箋

聖節賀 皇后

烏山

華渚呈祥適際太平之運椒塗衍慶王昭坤順之符喜動
六宮和熏萬宇中賀共惟 皇后殿下瑞鍾夢月功媿補
天以儆戒相成心靡渝於九變以勤儉為德治果格於三
登光輔聖躬永膺帝祉臣攝承斗壘阻造星聯頌億萬年
王休莫罄南山之祝家二十七世婦徒瞻西內之儀

冊后

賀 皇后受冊

梅亭

楓宸發冊渙號揚庭椒殿升賢坤儀正位喜溢六宮之表
驩騰四海之濱恭惟 皇后殿下配德河洲發祥沙麓赤

由衷稽首漢殿之觴雖莫參於鸞綴傾耳堯門之瑞實采
激於葵心

賀 皇后

山房

前星見象燦騰乾壁之輝吉夢維熊協應坤闈之慶澤流
寰海喜溢彤庭中賀臣聞世祚之長允藉本支之茂然誕
彌於甲觀渡江多在於初借若震夙於內朝自昔幾成於
闈典昊穹錫命河嶽恊靈有開維序之皇肇啓元良之粹
皇后配天作合克嗣於徽音飛日入懷果鍾於正嫡神祇
底豫廟社奠安臣邈戍偏州阻陪近綴輒傾葵向仰瀆椒
塗率九嬪以祀高禋已格衆多之兆生三月而見外寢適
觀歧疑之成

賀 皇后

南塘

後宮告慶昭坤載之含洪甲觀書祥壯皇基之赫奕羣生
幸甚咸曰休哉中賀恭惟 皇后殿下齊休軒圖嗣音京

室寬柔以教貫魚之寵唯均福祿遂成軌易之祠遂應帝
心式慰母道益隆臣服在廩人攝承臬事聽諸輿誦振振
尚報於賡歌各以職言僕僕何嫌於巫拜

賀 皇后

南塘

藩邸承休獻熊羆之吉兆宮闈受祉應麟鳳之昌期凡在
載持惟胥拊蹈中賀恭惟 皇后殿下坤裳襲美雅瑟流
徽而色而康人陰蒙其惠澤以似以續天顯報之福祥秀
發孫枝慶鍾慈極倬靈瀆之行派綿寶祚於隆基臣幸對
亨嘉屬官遠外卜日以告元祀雖莫陪宗祝之儀采詩而
頌多男猶得效使臣之職

賀 皇后

南塘

王假有家薰太和而保合帝降之福衍多祚於綿洪凡具
識知敷同抃蹈中賀恭惟 皇后殿下流謙而節施順比
以類從大呂贊陽之功百嘉均登小星逮下之德六寢具
孚故當棣通交泰之期而獲迓續延光之報神靈孚豫符
應闡明臣遠省民風側聆 國慶望雞翹之列衛莫遠清
班賦螽羽之卒章徒傾善頌

冬至

代賀 皇后

方烏山

聖人御極方開九變之符太史授時新驗一陽之氣暖回
葭室喜溢椒塗中賀恭惟 皇后殿下德齊姜任名儷賈
馬以臣道奉宸極未天明而脫簪以女功儀後庭候日長
而添線履茲復反至矣坤承臣假守南州阻趨西內時和
不害方占五物之書剛長自今恭致多男之祝

後集

卷之二十六

新編翰苑新書卷之二十六

湯志誠

書